

利害

〔續日本紀三十八〕延曆四年四月辛未中納言從三位兼春宮大夫陸奧按察使鎮守將軍大伴宿禰家持等言名取以南一十四郡僻在山海去塞懸遠屬有徵發不會機急由是權置多賀階上二郡募集百姓是人兵於國府設防禦於東西誠是備預不虞據○摧原作推鋒万里者也但以徒有關設○關設原一本之名未任統領之人百姓願望無所係心望請建為真郡備置官員然則民知統攝之歸賊絕窺竄之望許之

〔續日本後紀九〕承和七年三月壬寅勅符陸奧守正五位下良峯朝臣木連前鎮守將軍外從五位下匝瑳宿禰未○未一作未守等省今月十八日奏知發援兵二千人案奏狀云奧邑之民共稱庚申潰出之徒不能抑制是則懲於往事之所為也自非國威何靜騷民事須調發援兵將候物情其糧料者用當處穀但上奏待報恐失機事仍且奏者夫預備不虞古今不易之道也是以依請許之宜能制民夷兼施威德

〔日本書紀十五〕四年八月癸丑是日蝦夷隼人並內附

〔日本書紀十九〕元年三月蝦夷隼人並率衆歸附

〔日本書紀二十五〕大化二年正月是月蝦夷親附

〔續日本紀二〕大寶元年正月乙亥朔天皇御大極殿受朝○中蕃夷使者陳列左右文物之儀於是備矣

〔續日本紀五〕和銅三年正月壬子朔天皇御大極殿受朝隼人蝦夷等亦在列左將軍正五位上大伴宿禰旅人○中等於皇城門外朱雀路東西分頭陣列騎兵引隼人蝦夷等而進

〔續日本紀二十九〕神護景雲三年正月辛未御大極殿受朝文武百官及陸奧蝦夷各依儀拜賀

〔續日本紀三十三〕寶龜五年正月庚申詔停蝦夷俘囚入朝

〔日本書紀十〕三年十月癸酉東蝦夷悉朝貢即役蝦夷而作厩坂道

貢獻

入朝

內附